

CONNECT

WORD

⁴Ipinaaalala niya ang kanyang kahanga-hangang mga gawa. Siya ay mapagbiyaya at mahabagin. ⁵Binibigyan niya ng pagkain ang mga may takot sa kanya, at ang kanyang kasunduan sa kanila'y hindi niya kinakalimutan. SALMO 111:4,5

WHAT

Ang Diyos ay isang mapagmahal, mapagparaya, at maawaing Tagapaglaan. Natatandaan at matapat ang Diyos sa Kanyang mga pangakong tipan sa Kanyang bansa. Ang sumusunod na katotohanan ay mapagninilay-nilayan natin patungkol sa Diyos bilang tapat na Tagapaglaan, na magbubunga ng isang pamumuhay na mapagbigay at magbabago sa paraan ng pamamahala natin sa pananalapi.

1 Ang Diyos na Tagapaglikha ay ating Tagapaglaan.

"Ngunit hindi nagkulang ang Diyos sa pagpapakilala ng kanyang sarili sa mga tao sa pamamagitan ng kanyang mabubuting gawa. Binibigyan niya kayo ng ulan at mga anis a takdang panahon. Masaganang pagkain ang ibinibigay niya sa inyo para matuwa kayo." MGA GAWA14:17

Inaalagaan tayo ng Diyos sa pamamagitan ng paglalaan ng lahat ng ating pangangailangan. Kapag naintindihan natin na ang Diyos ay Pinuno ng lahat, makapangyarihan sa lahat, alam ang lahat, at laging nariyan, mapapanatag tayo sa tapat Niyang paglalaan. Nilikha Niya tayo hindi upang pagkaitan ng panalangin o gawing mahirap sa buhay. Sa halip, ano ang sinasabi sa Bibliya tungkol sa kung ano ang layunin ng Diyos (Jeremias 29:11; Juan 10:10)?

2 Dahil ang Diyos ay ating Tagapaglaan, makakapamuhay tayo ng makaDiyos at sapat.

⁶Kung sabagay, daig pa ng taong namumuhay nang banal at kontento na sa kalagayan ang mayaman. ⁷Ang totoo, wala tayong

dinala sa mundong ito, at wala rin tayong madadala pag-alis dito.

1 TIMOTEO 6:6,7

Pinapaalalahanan tayo ni Apostol Pablo na ang pagsunod sa pagiging makaDiyos na may pagiging kontento ay mahalaga at maraming kabutihang hatid. Wala ng mas mainam pa na paraan ng pamamahala ng ating pananalapi maliban sa pagiging mapagpasalamat sa kung anuman ang binigay na sa atin ng Diyos. Doon lang tayo makukontento. Papaano nagpapakita ng pagpapasalamat o pagiging ingrata sa Diyos ang paraan natin ng pamamahala ng pananalapi?

3 Dahil ang Diyos ay ating Tagapaglaan, mabibigyan natin Siya ng luwalhati sa pamamagitan ng ating pagbibigay.

⁹Parangalan mo ang Panginoon sa pamamagitan ng paghahandog sa kanya ng mga unang bunga ng iyong ani. ¹⁰Kapag ginawa mo ito, mapupuno ang ani ng iyong mga bodega at aapaw ang inumin sa iyong mga sisidlan. KAWIKAAN 3:9,10

Lahat ng ating pag-aari ay pag-aari ng Diyos—nilikha Niya ang mundo at lahat ng mayroon tayo! Binibigyang luwalhati, pinasasalamatan, at sinasamba natin ang Diyos sa ating pagbibigay (Salmo 29:2). Ang pagbibigay natin ng ikapu sa Diyos (unang ika-sampu) ay simpleng pagsauli lamang ng ika-sampu sa pinakamainam natin sa Kanya. Nararapat ang Diyos sa pinakamainam sa lahat sa ating buhay pati na sa ating pera. Dapat natin Siyang bigyang-luwalhati ng buong 100%. Ano ang sinasabi ng ating pagbibigay ng ikapu sa pananaw natin sa Diyos?